



Universitätsbibliothek Paderborn

**Novæ Observationes Et Additiones Ad A. R. P. D.
Bartholomæi Gavanti Congreg. Cleric. Regul. S. Pauli ac
Sac. Rit. Congregat. Consultoris Commentaria In Rubricas
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad
præsens emanatis

Complectens III. & IV. Partem Commentariorum Gavanti in Rubricas
Missalis

Merati, Gaetano Maria

Augustæ Vindelicorum, 1740

VD18 10783695-002

De Defectibus Dispositionis Corporis. IX.

urn:nbn:de:hbz:466:1-39964

dos quamprimum postea confiteatur, nempe post Missam celebratam. Sed intra quod tempus confiteri oporteat, ut quis dicatur quamprimum confiteri, variae sunt Doctorum sententiae: aliqui putant, quod Sacerdos statim post Missam debet confiteri, si habeat copiam Confessarii; alii vero putant, sufficere, si saltet intra triduum Confessario se presentet, eique conscientiam suam aperiat. Videri possunt Layman 1 b. 5. tract. 4 cap. 6. num. 7. Coninch quest. 8. art. 4. sol. 2. Wiggers quest. 8. art. 5. dub. 5. & alii, qui exigit hanc questionem; certum tamen est apud omnes, Confessionem necessariò

requiri, antequam dictus Sacerdos, etiam si verè contritus, iterum celebret; & hoc primum non esse consilium, ut aliqui opinati sunt, sed præceptum; idque constat ex Propositione ab Alexandre VII. damnata n. 38. in qua habetur -- Mandatum Tridentini factum Sacerdoti, sacrificanti ex necessitate cum peccato mortali, confitendi quamprimum, est consilium, non præceptum. Ad hoc etiam facit altera Propositio ab eodem Alexandre proscripta num. 39. in qua damnatur, quod illa particula quamprimum, à Tridentino usurpata, intelligi debeat, cum Sacerdos suo tempore constitbitur.

Novæ Observationes, & Additiones ad Gavanti

Tit. IX. De Defectibus Dispositionis Corporis.

I. Gavant. pag. 160. col. 1. post Rubr. num. 1. *Anie omnem cibum, &c.*) Est præceptum Ecclesiæ ab Apostolis derivatum, ut quicunque velit celebrare, aut communicare, jejunus sit, jejuno naturali, hoc est sine omni cibo, & potu, etiam in minima quantitate, à media nocte usque ad Communionem, ita ut ne per modum quidem medicina quidquam sumi possit. Prædictum autem jejunium naturale, servandum est ab initio diei naturalis, in qua celebrandum, vel communicandum est, quæ dies naturalis computatur, & incipit à media nocte, terminat vero in medium noctem sequentem. Dubium oritur, quid agendum sit, ubi ejusmodi dies naturalis non potest distingui à media nocte, in medium noctem, ut contingit in Regionibus Septentrionalibus prope Polum, in quibus per sex menses est perpetuus dies, & per alios sex, est perpetuus, nempe ab uno Equinoctio ad alterum; ad quod dubium respondendum esse credimus, quod sicut initium diei artificialis in his Regionibus, in quibus non est Aurora physice, juxta Decretum editum die 18. Septembris 1634. & datum in nostro Indice

sub num. 276. pro licita Missarum celebratione, debet attendi Aurora moraliter, & politicè, quando scilicet ibi terminari solet hominum quies, & inchoari labor, juxta probatam Regionum consuetudinem; ita moraliter, & politicè attendi debet media nocte in illis, nempe desumi debet media nocte à momento illo medio, inter initium cessationis laboris, & inchoationis ejusdem laboris, juxta probatam dictarum Regionum consuetudinem.

Rursus quoniam dictum naturale jejunium deberet incipere à puncto media noctis præcedentis diem, in qua sumenda est Eucharistia, dubium aliud oritur, quæ regulam servanda, dum ob discrepantiam horologiorum, non potest bene colligi, an transferit media nocte; sunt enim varia horologia in eadem Civitate, quorum unum indicat medium noctem fuisse jam transactam, alia vero non. Sed in hoc casu respondetur, servandam esse regulam illam, quæ servari solet, quando circa resolutionem alicujus rei dubia, duas extant opiniones æquæ probabiles, quo casu arbitriarum est, utram illarum amplecti, & propteræ potest quilibet

K k 2 bet

bet auditio primo signo, seu horologio, indicante medium noctem esse transactam, solvere jejunium naturale, & die sequenti celebrare, & communicare, si postmodum alia horologia discrepant, & indicent noctis medietatem. Ita colligitur ex Sanchez de Matrim. lib. 2. disp. 41. n. 40. & ex Quarti part. 2. tit. 9. d. b. 2. ubi addit, posse sequi prædictam sententiam (dummodo non constet de alicujus horologii errore) tunc enim possumus conformari etiam ultimo horologio; quare si ex ultimo quis dignoscat, se non comedisse ante illius signum, medium noctem indicans, poterit mane sequenti communicare. Ita etiam Diana part. 3. tract. 4. resol. 36. & part. 4. tract. 3. resol. 19. ubi citat variis aliis Doctores pro hac sententia.

II. Gavant. pag. 160. col. 1. post Rubr. num. 3. *Qui vult quantitatatem vini, vel aquae esse valde parvam, &c.*) Si contingat in ablutione oris, modicum aliquid aqua commisceri salivæ, & per modum salivæ deglutiri, juxta sententiam D. Thomæ, à Gavanto allatam, & juxta mentem Rubricæ, non violatur jejunium naturale, etiam si stilla illa aqua in salivam non sit conversa; non enim de conversione illa potest facile constare: satis igitur est ut non violetur jejunium naturale, quod modica illa aqua ita salivæ permixta sit, ut non possit separari, & per modum unius trahiciatur. Ita pariter, qui gustat aliquid juralenii, sive liquidi, solum ut percipiat saporem, & expuit, non frangit jejunium naturale, etiam si censeatur aliquid relictum in palato, quod per modum salivæ deglutiatur. Ita Layman lib. 5. tract. 4. cap. 6. & Gerlacus Vinitor part. 3. tis. 9. in adnot. §. 3.

III. Gavant. pag. 160. col. 1. ad eand. Rubr. *Si advertat Sacerdos post medium noctem, &c.*) Si reliquiae cibi præcedentis diei remanentes inter dentes, vel in gingivis, trahificant calu post medium noctem, est communis sententia, quod non impediunt Communionem pro sequenti die, cum per ipsas

non frangatur jejunium naturale, quia non sumuntur per modum cibi, sed per modum salivæ. Vult tamen Suarez citatus à Gavanto, necnon Paludanus, quem sequuntur pariter Vásquez, Filucius, Layman, Card. de Lugo, vult, inquam, Suarez, per tales reliquias, & deglutiuntur post medium noctem ex industria, violari jejunium, & consequenter Communionem impediri; unde juxta hanc sententiam, antequam deglutiuntur, debent tales reliquias expiri. Verum cum prædictæ reliquiae cibi, præcedentibus sumptu, non ab extrinseco recipiantur hostie, sed recepta fuerint heri, reputantur tanquam partes hesternæ comestionis jam sumptu, & ideo semper retinent moralē comestiones cum illa. Quapropter quavis sensibilius habeantur in gingivis, & ex industria deglutiuntur, non constituant novam comestionem moraliter, sed hesternam perficiunt, & complent; ideoque per ipsas ita deglutiuntur non violatur jejunium naturale, & consequenter non impeditur Communio. Hanc sententiam, quam probabiliorem censem, tenet Quarti part. 3. tit. 9. sed. 1. difficult. 1. citat Diannam part. 3. tract. 4. resol. 37. qui ibidem citat alios Auctores.

Si quis tamen aromata, aut saccharum in ore ponit ante medium noctem, ut paulatim emolliatur, & trahiciatur, idque dure post noctis medium, censetur violasse jejunium naturale, unde iste impeditur à Communione. Ratio est, quia id, quod post medium noctem trahicitur talis sacchari, vel prater intentionem, vel ex industria, non est reliquia cœna præcedentis, sed pars ejus cibi, cuius comestio fit per continuam liquefactionem, & trahicationem, unde est comestio, qua verit, & per se durat post medium noctem, & consequenter violat jejunium naturale: Quarti supra difficult. 2. & alii communiter, quapropter si quis indormitet cum saccharo in ore, de quo dubitat, an ante medium noctem totum deglutiuerit, non poterit sequenti die celebrare, aut communicare.

Si quis deglutiat sanguinem, aut aliquem alium humorē à capite in os descendētem, non frangit jejunium naturā, quia quidquid ab intinēco provenit, nec ore ab extrinseco sumitur, vere non comeditur, & ideo non solvit jejunium naturale, neque proinde impedit per se lumptionem Eucharistiae. Wiggers de Sacram. Euchar. quæst. 8a. art. 8 & 37. Henriquez n. 8 cap. 50. & Gerlacus Vinitor *suprā iii. 9. in adnat. §. 6.*

Censetur pariter jejunus etiam ille, qui post medianam noctem deglutiuit aliquid non comedibile, scilicet officulum, fructulum metalli, cretam, papyrum, ungues, vel aliquid simile. Ita tenet Quarti *suprā diffic. 3.* cūms pro hac sententia nonnullos Auctores, quāvis contrariaū teneant Henriquez lib. 8. 4. Bonacina, Reginaldus, & alii allegati ab eodem Quarti *suprā*, quos tamen non sequitur, sed refellit.

Idem Quarti *diffic. 4.* questionem proponit, an sumptio tabaci, Communionem impedit: & sustinet, quod si tabacum sumatur in pulvere per narēs, ut communiter fieri solet, non solvitur jejunium naturā, et ulla aliquid descendat in stomachum, quia illa lumptione non est comedio, cūm non fiat per os; sicut de aqua attracta per narēs, dici debet, licet aliqua pars ejus trajiciatur in stomachum, ut facientur communiter DD. sic etiam, si tabacum sumatur in fumo, non frangitur jejunium naturā, quia fumus non est cibus, nec potus, & trajectio ejus in stomachum fit per modum respirationis, non per modum comeditionis. Major difficultas est de tabaco sumpto in folio, & retento in ore; sed etiam hoc ita sumptum, quia non retinetur in ore ad comedendum, nec ipsum folium deglutitur, jejunium naturale non violat, quāvis causare possit trajectōrem aliquius humoris ex capite desfluentis in sto-

machum, qui non violat jejunium, sicut non violat saliva. Et quāvis aliquis tabaci sucus deglutiretur, quia trajicitur cum saliva, & per modum salivæ, non solvit jejunium naturale, juxta communē Doctorum sententiam, ut docet Quarti *suprā*. Verum si folium in os admissum trajiciatur integrum in stomachum, vel aliqua ejus particula ex industria, certum est, violare jejunium, & impedire Communionem; quod idem dicendum est, si pulvis tabaci ore sumeretur, & per actionem vitalem trajiceretur in stomachum. Ita docent Alphonsus de Leone, Marchantius, Escobar, Aversa, Pascualigus, & alii, quos affert, & sequitur noster Diana part. 5. tract. 13. resol. 1. & part. 8. tract. 7. resol. 3. ubi latè discutit hanc questionem.

IV. Gavant. pag. 160. col. 1. §. *Duo tamē, &c.*) Præter calus adductos à Gavante hi., in quibus non jejunus Sacerdos, potest Eucharistiam sumere, adeat etiam aliis casus, in quo à quocunque non jejunio Eucharistia sumi potest, nempe necessitas ipsius sumentis; ut si quis periculose agrotel, & sit mortis periculam, si sequens dies expectetur ad ei præbendam Communionem; ex quo tamen inferri non potest, quod licet non jejunio Sacerdoti conscere Eucharistiam, ad eam infirmo ministrandam; quāvis enim receptio viatici supponatur de jure divino, nihilominus agrotus non tenetur ad illud recipiendum, nisi cūm adeat copia Eucharistiae, non autem quando deficit ex causa alterius.

V. Nonnulla alia, quæ spectant ad Ritus servandos pro tribus Missis, quæ juxta Sacros Canones celebrari possunt in Nativitate Domini, max trademus in nostris Observatio-nibus, & Additionibus ad *tit. 3. part. 4.*

Tit. X. De Defectibus in Ministerio ipso occurrentibus.

Caret novis Observat. & Additionibus.

Kk k 3

Nova